



Aqqalu C. Jerimiassen

UKA 2022/177

Atassut

22. November 2022

**Inatsisartunut qinersisarneq pillugu inatsit allanngortikkusunneraat, nunatsinni najugaqarsimanissamik piomasagaatip sivitsorneqarsinnaanera pillugu apeqquteqaat aallaavigalugu oqallinnissamik siunnersuut.**

(Inatsisartuni Ilaasortaq Doris J. Jensen, Siumut)

Qinersinermi kingullermi inuit aqqusinermi aperineqaraangamik, kina qinersimaneraat. Tupaallaatigineqarsinnaasumik akisarput: Qinertagara qinerpara”, immaqaluunniit ”Qineqqusaartut malinnaaffiginngilakka”

Oqallissaarisup siunertaa paasilluarparput, aamma aalajangiiffissatut suliarineqassappat Atassummiit tapersiinissamut oqalliseqataasinnaassaagut.

Ilinniartut eqqarsaatigilaartariaqarpagut aamma, ilinniareerlutik utertut ilumut aamma ukiut marluk utaqqeqqaartariaqassanersut, immaqaluunniit immikkut ittumik akuersisoqartassava? Kikkut nalilersuisassappat?

Tusartuarterparputtaaq qallunarnippallaamik ingerlatsilersmasugut. Taamaammat apeqquserneqarsinnaagaluarpoq qallunaat nunaanni pissutsit ilaarlugit taamatut qinersisinnaanermut tunngatillugu aalajangiissagutta.

Qanoq iliuuseqarsinnaavugut amerlanerit qinersisaleqqullugit? Taannarpiaq aamma oqallisigineqarluarsinnaagaluarpoq. Partiilersuunnerujussuaq aamma partiinut pitusimanerujussuaq qanoq annikillisarinnavaarput? Politikikkullu isummernerit qitiutilerlugit. Qanoq ililluta demokratii nukittorsarsinnaavarput?

Qanoq iliorsinnaavugut massakkumiit politikikkut angusagut annertusarumallugit? Siunissami sinnattut takorluukkat kusanartut qitiutittuarniarnerpagut? Immaqaluunniit naqqaniit qulakkiigassagut qulakkeerinniffeqqaaassanerpagut? Pujoorfilioqattaarlutalu, illup qalia sanarfiniartuassavagut toqqavilluunniit qajannaatsoq qulakkeeqqaartinnagu?

Oqallissaarisumut qujavugut, eqqartueqqinnissamullu piareeqqalluta.